

嶺海樓黃氏家集

金華樓藏書

嶺海樓詩鈔卷之五

香山黃培芳子實撰

番禺黃喬松編

暮春送曾賓谷方伯通職北行

頻年嶺海仰旬宣百粵詞人快覩先筆健名題

三島上

謂羅浮諸大作

政成心戀五雲邊畱將愷澤波

全緣唱到驪歌月漸圓

以十三日啟行

萬姓攀轅齊巷

祝願公節鉞返南天

贈林辛山同年

家桂

卽題其見星廬詩集

舊遊少日到君鄉壯讀君詩滿錦囊五百年來

論崛起才華應冠古高涼

贈李菊水明經

還齡

萬花涼月醒瑤天

用君句

樂府新詞嶺海傳山谷

槎枒良足愧吾鄉原自有青蓮

白雲山登高同魏春松劉樸石兩先生暨

張墨池謝退谷張南山集葉雲谷倚山

樓席間七人以菊花須插滿頭歸分賦

得滿字

佳辰踐清約雲端寄蕭散山樓會羣僊醉我青

玉盤雲霞契共申巾帶喜各緩騁眺極平野長
川淨如澣龍泉有靈貺清冷愛親盥言下崔舒
臺更往雲泉館但識安步意履險亦同坦松交
巔自生雲去峯不斷無復晴天漏惟餘古崖竅
涓涓菖蒲澗蒼然綠陰滿延年信善禱服餌近
虛誕杜老卜誰健陶公惜世短何如賦新詩七
子或堪繼

雲泉探梅集詩品題葉雲谷橫障

下有漪流上有飛瀑築室松下清澗之曲悠悠

花香晴雪在竹相期與來可入如玉

白雲初晴奇花初胎觀花匪禁碧山人來窈窕
深谷似往已迴妙不自尋水流花開

日往煙蘿風日水濱金樽酒滿花草精神若其
天放如寫陽春坐中佳士明月前身

湯雨生都尉

貽汾

十九僧圖

四海論交後無忘清淨因諸天懷欲遍落月夢
難真已悟三千界翻同十九人秋江方罷釣並

作畫中身

雨生有秋
江罷釣圖

題魏春松觀察

成憲

西溪探梅卷

廣平賦梅花鐵石兼風流於今魏元成抽簪卧
林邱偶動香雪懷遂作西溪遊萬樹忽皓潔瑤
林明遠陬綠筠間參差翠羽鳴啁啾山僧設蔬
筍命侶皆吾儔謂許青士太史昆弟先生有妙契曾不悵
去畱朝霞送煙艇明月迴蘭舟鬚眉澹圖畫嘯
傲凌滄洲何年夢師雄今來望羅浮相期吹鐵
笛四百三峯頭

同友人遊鼎湖山卽柬品清上人

漸聞溪水響轉轉入雲林萬木參天出羣峯折
徑深鐘聲穿樹杪亭影落崖陰但挹湖光綠軒
轅不可尋

磴盡空青落危巖一瀑飛風聲增灑蕩雲氣共
霏微萬慮應全滌何年始息機我行二樵遍幽
境認依稀

忽憶陽春客登臨賦大篇

謂譚康侯

今同二三子來

結水雲緣林靜上微月山空吹夜泉平生塵外
想清夢愜諸天

無田惟乞食設榻解留賓戒律思初祖精嚴約

後人道書遺欲補福地妙能臻按道書鼎湖一

片山中橘懷歸餉老親山僧自製橘片餉客

許菊船刺史重遊羊城集熾庭孔生家席

間刺史和南山詩卽次其韻

華堂同醉粵江頭暮捲珠簾翡翠鈎誰向瓊筵

揮采筆公會滄海障橫流公宰香山最難風雨

連宵集空憶雲泉萬木稠話及雲泉之勝十載行旌欣

再駐錦囊佳句一時收

海豐鄭晉昆明府

邢霖

重修五坡嶺文丞

相祠摹刻遺像賦此附書石後

宋室誰能繫文山志不移五坡方飯處一死未
酬時貞石重摹像孤臣尙有祠丹心照千古來
讀鄭公碑

月夜同理圃楷屏南山登越山樓畱宿次
理圃韻

涼月橫空淡似銀仙山樓閣畫難真振衣天半
來吾輦杖策宵中有幾人欲界清都能拔地浮

生碧海悟揚塵高寒玉宇棲容易安得同爲世外民

澄公禪房午坐

老樹幽窗下涼雲葉葉生半空孤日沒萬綠一
蟬鳴室自通虛籟人疑坐化城維摩如借榻塵
夢若爲清

送胡生光祖歸山陰

聞說山陰道飛流萬壑爭秋風動歸思掛席此
時情我亦將遊越仍憐送去程若耶溪畔宅樽

酒待同傾

爲康侯作聽雲樓圖并題絕句

碧溪紅樹萬山秋有客陽春獨倚樓底事天風
清徹耳白雲如水檻邊流

初發同李白山

士信

孝廉林愚溪

穎

家勺

波

心源

兩秀才

初發羊城一櫂移郵程水驛去遲遲江過中宿
流俱碧山到滇陽石漸奇風義可懷良友共世
途多故壯年知丈夫不作離家念只有高堂入

夢思

舟次癰瘡劇作書此以代呻吟

南中地卑濕患癰逾十年治以瞑眩藥一歲叨
安痊今冬復大劇牀第殊顛連况當行役時舟
次百不便何啻被芒刺真同坐鍼氈惟有賜湯
沐枕藉庶可眠伸縮足屢豎轉側體亦偏長宵
盼天曉至曉仍迍邐非無嗜痂癖痂落還糾纏
有似燎原火未滅忽復然又似蔓難圖由中乃
徹邊斑斑蘚蝕壁滴滴蝸流涎嗟哉尺寸地千

騎供遊畋此身旣匪石竟受秦皇鞭幾訝臀無
膚次且焉能前羨彼安步人輕舉如飛仙愧我
非英雄撫髀翻自憐遺體本父母忍令長熬煎
扁鵲不易得藥物皆無權願言逝去汝怙侈終
不悛除惡貴務本元氣培當先恣睢理難久洗
伐姑舍旃

寄示熙文姪

代守詩書業傳家自足師汝能負奇氣吾轉益
風規可柰謀生早休教見道遲征途方有事門

戶且須支

舟曉

榜人漸語知天曉夢醒煙波一櫂閒江上白雲
先我起推篷擁被看遙山

星使

星使何時到儒林望眼穿至公能勵俗吾道豈
名錢時有富賈入祀鄉賢之事霧歇連江瘴霜清白日天停

舟一翹首世事總茫然

懷劉三山

墨翟悲絲染蒼黃事可傷世人原直道之子豈
佯狂蕭艾紛何益蘭荃折亦芳贈懷何所切言
念有高堂

入峽

萬峯青入峽一澗一橋橫石勢撐天立江流澈
底清曉雲中宿地幽竹二禺情指點前灣碧迢
迢孤鶩聲

峽山寺

林巒鬱勃招提起古寺飛來峽山峙南禺晴接

北禺雲後灣碧漾前灣水蒼茫欲覓阮俞逕清
晝生寒綠雲委天風泠泠吹珮環帝子恍來修
竹裏崖深谷隱秦人逃山青水斷猿聲死幽絕
坐我淙碧軒雨灑晴天清客耳平橋幾折入雲
根泉流激石石齒齒石上題詩各深刻捫苔試
讀慙移晷泰泉曾詠海翁岩金石已入覃谿梓
碎訊山僧不可尋萬壑寒煙空獨跂先泰泉先生有海翁
岩石刻詩見翁覃谿粵東金石畧是日尋不見剎那難爲去聲勝地畱塵
勞恐被山靈恥登舟去去弄潺湲且趁清風半